



“Martxoaren 8”ko kartel lehiaketa 2020ko edizioa

**Concurso de carteles
8 de marzo 2020**

Aukera Berdintasunerako Sailak eta Ermuko Emakumearen Udal Kontseiluak eten gabe gizon eta emakumeen artean benetako berdintasunaren alde dihardute eta, urtero “Martxoaren 8a, Emakumeen Nazioarteko Eguna” ospatzen dute: emakumeek dituzten eskubideak aintzat hartu eta aldarrikatzeko.

Lehiaketa honek diseinu grafiko bat aukeratzea du helburu, zeinak feminismoaren borroka eta emakumeen partaidetza soziopolitikoaren ikuspegitik berdintasunaren ideia adierazi beharko duen.

Egun honek duen helburu nagusiari ahalik eta ikusgarritasun handiena ematearren, berdintasunaren, Feminismotik borrokaren eta emakumeen parte-hartze soziopolitikoaren ideia hori irudikatuko duen diseinu grafiko bat hautatzeko lehiaketa publiko baterako deialdia egiten da..

Hori horrela, hona hemen lehiaketaren

OINARRI-ARAUAK

1. PARTE HARTZAILEAK

Adinez nagusiak parte hartu ahal izango dute, banaka nahiz taldeka.

Partaide bakoitzak hiru lan aurkeztu ahal izango ditu gehienez, originalak eta argitaragabeak, beste inongo lehiaketatan sarituak izan ez direnak. (Antolatzaileek alderdi horri buruzko berariazko adierazpena eskatu ahal izango diote irabazi duen lanaren egileari).

Lan bat baino gehiago aurkeztzen duenak, lanok zenbakitu edo titulatu egin beharko ditu.

2. GAIA

Martxoaren 8ko aspekturen bat landu beharko dute derrigorrez, egileak nahi duen ikuspuntutik.

Dena den, eta funtsezko mezuan distortsiorik egon ez dadin, aurkeztutako obrek ezabatu egin beharko dute zentzu demokratikoari eta pertsona guztiekiko errespetuari ez dagozkien mezuek sartzea. Hori saihesteko, kanpoan utziko dira, bere iritziz, indarkeriazko adierazpen edo sinbologia duten obrak, edo herritarrentzat oro har iraingarria izan daitekeen beste edozein.

3. LANEN EZAUGARRIAK

Kolorea eta teknika, aukerakoak dira. Edozein teknika onartzen da kartela egiteko. Baldintza bakarra ondokoa da: inprimategian erreproduzitzeko balio izatea.

Lanaren neurriak ondokoak izango dira: gutxienezkoa 45x30 cm, eta gehienezkoa 65x40 cm. Lanak luma-kartoi gainean eta kristalik gabe aurkeztuko dira.

Halaber, derrigorrezkoa izango da lanak ondorengo esaldia jasotzea: “8 de Marzo-Día Internacional de las Mujeres 2020ko Martxoak 8-Emakumeen Nazioarteko Eguna”. Adierazitakoa baino testu gehiago agertzen denean, euskaraz eta gaztelaniaz egon behar da.

Horrez gain, CD edo horrelako euskarri baten, lanaren argazki edo irudia aurkeztu beharko da.

Lehiaketan ez dira onartuko bakarrik euskarri informatikoan aurkezten diren lanak, lanaren kopia bat paperean eskatzen baita.

4. LANAK AURKEZTEKO ETA BIDALTZEKO MODUA

Lanak inolako kalterik jaso ez ditzaten behar bezala estali eta babestuta aurkeztuko dira. Azalean ondoko leloa idatzita eduki beharko dute: "MARTXOAREN 8ko KARTEL LEHIAKETA. 2020".

Atzealdean lema dutela aurkeztuko dira lanak, egilearen izenik aipatu gabe. Egilearen datuak (izen-abizenak, adina, helbidea, telefonoa, eta egilearen curriculum laburra) eta N.A.N.aren fotokopia bat lanarekin batera bidaliko den gutun-azal itxian joango dira, eta gutun-azal horren aurrealdean lanak daraman lema adieraziko da.

Gutun-azal horretan bertan lehiatzaileak bere lanaren azalpen tekniko eta/edo historiko laburra erantsi ahal izango du, hala nahi izanez gero.

5. LANAK AURKEZTEKO LEKUA ETA EPEA

Lanak Ermuko Udalean aurkeztu beharko dira, hots: Abiapuntu bulegoan, goizeko 8etatik 15etara (lanegunetan). Halaber, lanak postaz bidaltzerik ere badago: Ermuko Udala, Konbentukoa kalea z/g, 48260 ERMUA (Bizkaia).

Lanak aurkezteko **azken eguna 2020ko otsailaren 7a da, hain zuzen ere arratsaldeko 3etara bitartean**. Posta bidez bidalitakoak ere egun horretara arte onartuko dira, eguneko zigilu-markari erreparatuko zaiolarik.

6. EPAIMAHAIA

Epaimahaia arte munduko profesionalek, Emakumearen udal kontseiluko ordezkari batek eta Emakumearen Etxeko langile batek osatuko dute, Mahaiburua Aukera Berdintasunerako Saileko zinegotzia izango da.

Epaimahaia **otsailaren 14an** egingo du aukeraketa.

Lehiaketa honetan parte hartzeak onartzea dakar Udalak eskubidea izango duela egokitzen jotzen dituen lekuetan lanak ikusgai jartzeko.

Epaimahaia lehiaketa irabazlerik gabe lagatzeko eskumena dauka.

7. EPAIA

Epaia apela ezina izango da **eta otsailaren 17an** emango da ezagutzera. Irabazleari jakinarazpen bidez ezagutaraziko zaio epaiaren berri.

Kartelak hobeto inprimatzeko aldaketa teknikoren bat edo beste beharko balu, egileak egokitzenak beteko ditu.



“Martxoaren 8”ko kartel lehiaketa 2020ko edizioa

**Concurso de carteles
8 de marzo 2020**

8. SARIA

Sari bakarra emango da: 600 euro eta diploma bat. Lan irabazlea Emakumeen Nazioarteko Eguneko egitarau eta karteletan argitaratu eta erabiliko da.

Irabazlerik gabe geratzen bada lehiaketa, eta lanen batek aipamen berezirik merezi badu, epaimahaiak hari 300 euroko akzesita eman ahal izango dio.

Sariren bat irabazten duenak Ermuko Udalari lagako dizkio obra ustiatzeko eskubideak; eskubide horiek Ermuko Udalarenak baino ez dira izango eta Jabetza Intelektualari buruzko Legeari adierazitako eran egingo da lagapena, batez ere kopiaitzeko, zabaltzeko eta jendaurrean agertzeko eskubideak.

Irabazleak dagokion dokumentua eman beharko dio Udalari, honek horrela egiteko eskatuz gero

9. ERAKUSKETA

Lanak Emakumeen Topalekuan ikusgai jarriko dira martxoan.

10. SARIRIK JASO EZ DUTEN LANAK

Egileek saritu gabeko lanak apirilean jaso ahal izango dituzte. Epe horretan lanak jaso ezik, egileek jabetzari eta lana berreskuratzeari uko egiten diotela suposatuko da eta, gerora, ez da inolako erreklamaziorik onartuko.

Lehiaketan parte hartzeak oinarriak eta epaimahaiaren azken erabakia onartzea dakar. Oinarri-arauak interpretatzerakoan zalantzarik sortuz gero, Ermuko Udaleko Aukera Berdintasunerako Sailak erabakiko ditu.

**INFORMAZIOA: EMAKUMEEN TOPALEKUA, Izelaieta kalea, 12. Tfnoa. 943171030
WEB-GUNEA: www.ermua.es**